



**Broj: 02-50-1-16-24/09
Sarajevo: 29.1.2009. godine**

**ZAPISNIK
24. sjednice Doma naroda
Parlamentarne skupštine Bosne i Hercegovine,
održane 29.1.2009.godine**

Sjednica je počela u 11 sati.

Sjednicom je predsjedavao Ilija Filipović, prvi zamjenik predsjedavajućeg Doma naroda Parlamentarne skupštine BiH.

Sjednici je prisustvovalo 14 delegata.

Predsjedavajući Doma naroda, dr. Mladen Ivanić opravdao je odsustvo.

Osim delegata, na sjednici Doma naroda bili su predstavnici: Vijeća ministara BiH, međunarodnih organizacija i sredstava javnog informiranja.

Delegat Dušanka Majkić, predložila je da se na dnevni red sjednice Doma naroda, uvrsti nova tačka koja se odnosi na donošenje zaključka u vezi s dostavom informacije o kriterijima, postupcima i načinu dodjele CEMT dozvola za 2009. godinu

Prvi zamjenik predsjedavajućeg Doma naroda, otvorio je raspravu povodom navedenog prijedloga delegata Dušanke Majkić. Nakon rasprave u kojoj su učestvovali: Dušanka Majkić, Božo Rajić, Alma Čolo, Rudo Vidović, Sulejman Tihic i Branko Zrno, Dom naroda usvojio je sljedeći dopunjeni

D N E V N I R E D

1. Odgovori na delegatska pitanja i delegatska pitanja;
2. Usvajanje Zapisnika 23. sjednice Doma naroda;
3. Zahtjev Kolegija Doma naroda za razmatranje Prijedloga zakona o Budžetu institucija BiH i međunarodnih obaveza BiH za 2009. godinu, dostavljenog od Predstavničkog doma, po hitnom postupku;
4. Zahtjev Predstavničkog doma za razmatranje Prijedloga zakona o izmjenama Zakona o javnim nabavkama po hitnom postupku;
5. Zahtjev Vijeća ministara BiH za razmatranje Prijedloga zakona o dopuni Zakona o carinskoj tarifi BiH po hitnom postupku;
6. Izvještaj komisije Kolegija o nastojanju za postizanje saglasnosti o Prijedlogu zakona o izmjenama i dopunama Zakona o sportu u BiH (drugo čitanje), predlagač: Ustavnopravna komisija;
7. Prijedlog zakona o zaštiti i dobrobiti životinja (drugo čitanje), predlagač: Vijeće ministara BiH;

8. Prijedlog zakona o izmjenama i dopunama Zakona o zaštiti tajnih podataka (drugo čitanje), predlagač: Zajednička sigurnosno-obavještajna komisija za nadzor nad radom Obavještajno-sigurnosne agencije BiH;
9. Prijedlog zakona o izmjenama i dopunama Zakona o Obavještajno-sigurnosnoj agenciji BiH (drugo čitanje), predlagač: Zajednička sigurnosno-obavještajna komisija za nadzor nad radom Obavještajno- sigurnosne agencije BiH;
10. Prijedlog zakona o zrakoplovstvu BiH (prvo čitanje), predlagač: Vijeće ministara BiH;
11. Prijedlog zakona o Agenciji za pružanje usluga u zračnoj plovidbi (prvo čitanje), predlagač: Vijeće ministara BiH;
12. Prijedlog zakona o izmjenama Zakona o krivičnom postupku (prvo čitanje), predlagač: Predstavnički dom;
13. Izjašnjavanje o Prijedlogu zakona o maloljetnim počiniocima krivičnih djela i krivičnopravnoj zaštiti djece i maloljetnika (prvo čitanje), predlagač: Vijeće ministara BiH;
14. Prijedlog zakona o dopuni Zakona o Javnom RTV sistemu BiH (prvo čitanje), predlagač: Vijeće ministara BiH;
15. Prijedlog zakona o Agenciji za razvoj informacionog društva BiH (prvo čitanje), predlagač: Vijeće ministara BiH;
16. Izvještaj o reviziji Izvještaja o izvršenju Budžeta institucija BiH za 2007. godinu;
17. Izvještaj o učešću pripadnika Oružanih snaga, policijskih i državnih službenika Bosne i Hercegovine u operacijama podrške miru u inozemstvu za period od 1.3.2008 do 30.6.2008;
18. Prijedlog odluke o dopuni Odluke o imenovanju članova Vijeća nacionalnih manjina BiH, predlagač: Zajednička komisija za ljudska prava, prava djeteta, mlade, imigracije, izbjeglice, azil i etiku;
19. Imenovanje člana Upravnog odbora Javnog RTV servisa BiH iz reda ostalih (Rang-lista Regulatorne agencije za komunikacije BiH);
20. Davanje saglasnosti za ratifikaciju Sporazuma o zračnom saobraćaju između Vijeća ministara BiH i Vijeća ministara Ukrajine;
21. Davanje saglasnosti za ratifikaciju Sporazuma o saradnji u oblasti kulture između Vijeća ministara BiH i Vlade Narodne Republike Kine;
22. Davanje saglasnosti za ratifikaciju Evropskog ugovora o glavnim unutrašnjim plovničkim putevima od međunarodnog značaja (AGN);
23. Davanje saglasnosti za ratifikaciju Protokola između Vijeća ministara BiH i Vlade Republike Mađarske u vezi sa sukcesijom bilateralnih međunarodnih ugovora zaključenih između Federativne Narodne Republike Jugoslavije/Socijalističke Federativne Republike Jugoslavije i Narodne Republike Mađarske;
24. Davanje saglasnosti za ratifikaciju Nota Sporazuma između Bosne i Hercegovine i Kraljevine Norveške o reviziji sukcesije bilateralnih sporazuma zaključenih između bivše SFRJ i Kraljevine Norveške;
25. Davanje saglasnosti za ratifikaciju Akata XXIII. kongresa Svjetskog poštanskog saveza – Bukurešt 2004.godine;
26. Davanje saglasnosti za ratifikaciju Sporazuma o saradnji u oblasti turizma između Vijeća ministara BiH i Hašemitske Kraljevine Jordan;
27. Davanje saglasnosti za ratifikaciju Sporazuma o grantu Globalnog fonda za okoliš između Bosne i Hercegovine i Međunarodne banke za obnovu i razvoj, kao Agencije za primjenu sredstava Globalnog fonda za okoliš – Projekat upravljanja Neretvom i Trebišnjicom;
28. Davanje saglasnosti za ratifikaciju Evropske konvencije o zaštiti arheološke baštine (revidirana) iz 1992. godine;
29. Davanje saglasnosti za ratifikaciju Konvencije o zaštiti podvodne kulturne baštine, Pariz 2. novembra 2001.godine;
30. Davanje saglasnosti za ratifikaciju Međunarodne konvencije protiv dopinga u sportu, Pariz 19. oktobra 2005.godine;

31. Davanje saglasnosti za ratifikaciju Okvirne konvencije Vijeća Evrope o vrijednosti kulturne baštine za društvo, Pariz 27. oktobra 2005. godine;
32. Zaključak povodom dostavljanja informacije o kriterijima, postupcima i načinu raspodjele CEMT dozvola za 2009. godinu, predlagatelj: delegat Dušanka Majkić

Ad.1. Odgovori na delegatska pitanja i delegatska pitanja

Odgovore na delegatska pitanja dobili su: Sulejman Tihić - na pitanja postavljena na 22. sjednici, Božo Rajić - na pitanje postavljeno na 23. sjednici, Slobodan Šaraba - na pitanje postavljeno na 21. i 23. sjednici, Adem Ibrahimpašić - na pitanje postavljeno na 22. sjednici Doma naroda i Dušanka Majkić na pitanje postavljeno na prvoj posebnoj sjednici oba doma Parlamentarne skupštine BiH.

Delegati Sulejman Tihić i Adem Ibrahimpašić i Slobodan Šaraba izjasnili su se da nisu zadovoljni dobivenim odgovorima.

Delegat Božo Rajić izjasnio se da je zadovoljan dobivenim odgovorom.

Delegat Dušanka Majkić, na osnovu dobivenog odgovora, izjasnila se da nije zadovoljna stanjem u Ministarstvu sigurnosti BiH i da ono mora biti ne samo nacionalno izbalansirano, već da navedeni balans mora odgovarati i pozicijama u Ministarstvu.

Delegat Slobodan Šaraba postavio je i sljedeće pitanje Vijeću ministara BiH:

„Da li je tačna informacija da će se pregovori o prekategoriizaciji graničnog prijelaza Ivanica održati tek u decembru 2009. godine?“

Delegat Hazim Rančić postavio je i sljedeće pitanje Vijeću ministara BiH:

„Zašto predsjedavajući i ministri u Vijeću ministara BiH ne prisustvuju sjednicama Doma naroda Parlamentarne skupštine BiH.“

Delegat Hazim Rančić postavio je i sljedeće pitanje Vijeću ministara BiH i Predsjedništvu BiH:

„U članovima 7. i 8. Zakona o Obavještajno-sigurnosnoj agenciji BiH predviđena je obaveza Vijeća ministara BiH i Predsjedništva BiH da pripreme, odobre i dostave Parlamentarnoj skupštini BiH na usvajanje Platformu obavještajno-sigurnosne politike koja sadrži opće smjernice za rad OSABiH u skladu s međunarodnim standardima.

Zašto Vijeće ministara BiH i Predsjedništvo BiH nisu izvršili svoju obavezu i pripremili, odobrili i dostavili Parlamentarnoj skupštini BiH na usvajanje Platformu obavještajno-sigurnosne politike za rad OSABiH za 2009. godinu.“

Delegat Rudo Vidović postavio je i sljedeće pitanje Regulatornoj agenciji za komunikacije BiH:

„Zakonom o komunikacijama, Regulatorna agencija za komunikacije BiH, u saradnji s Vijećem ministara BiH zadužena je za upravljanje frekvencijama i za izradu Plana namjene frekvencija. Isto tako Agencija prema istom zakonu preduzima odgovarajuće mjere s ciljem osiguranja djelotvorne i nesmetane upotrebe radiospektra BiH. Također, Agencija za komunikacije usvaja Plan namjene radiofrekventnih opsega, kojim se definiraju radiofrekvencije ili radiofrekventni opsezi namijenjeni za individualne radiokomunikacije i individualne grupe korisnika.

Poznato je da liberalizacijom tržišta komunikacija u BiH se već nazire namjera i potreba za uvođenjem pete generacije bežičnih pristupnih sistema (WiMAX) u opsegu 3,5 GHz.

Ali isto tako je poznato da postojeća prijenosna i emisiona infrastruktura JRTV sistema BiH koristi dio tog frekventnog spektra predviđenog za Wi MAX usluge.

Oslobađanjem spornog radiofrekventnog opsega, zaštitili bi se domaći telekom operateri, ubrzao proces uvođenja digitalne televizije BiH, ispunile bi se međunarodne preuzete obaveze u harmoniziranom korištenju radiofrekvencija itd.

U tom smislu postavljam pitanje Regulatornoj agenciji za komunikacije BiH:

1. Kada će se osloboditi frekventni spektar predviđen za WiMAX usluge, a koji trenutno koristi Javni RTV sistem BiH?“

Delegat Adem Ibrahimpašić postavio je i sljedeća pitanja Vijeću ministara BiH:

1. „U januaru, u jednoj televizijskoj emisiji, zamjenik ministra civilnih poslova BiH izjavio je da se u ladicama Vijeća ministara BiH nalazi oko 200 gotovih zakonskih projekata. Kako je, prema općem mišljenju, Parlamentarna skupština BiH prilično nezaposlena, pitanje glasi:

- Koliko je tačno gotovih zakonskih projekata 'u ladicama' predsjedavajućeg Vijeća ministara BiH i zašto se ti zakoni ne puštaju u parlamentarnu proceduru?“

2. „Dana 23 septembra, 2008. Odbor pivarske industrije BiH pri Vanjskotrgovinskoj komori BiH, koji čine sve domaće pivare, dostavio je formalan zahtjev pod brojem protokola 25-9130/08 Ministarstvu vanjske trgovine i ekonomskih odnosa BiH kako bi se inicirale mjere zaštite radi rješavanja pitanja prekomjernog nivoa uvoza piva, koji čini nekih 63% od ukupne potrošnje u BiH u 2007. godini

Ovaj formalni zahtjev predat je u skladu s Odlukom o mjerama zaštite domaće proizvodnje od prekomjernog uvoza, koju je usvojilo Vijeće ministara BiH 23.septembra 2002. ("Službeni glasnik BiH", br. 30/2002), na osnovu čl. 31. i 33. Zakona o vanjskotrgovinskoj politici BiH ("Službeni glasnik BiH", br. 7/98) i člana 14. Zakona o Vijeću ministara BiH, koji je također u skladu s članom 22. CEFTA sporazuma.

Član 22. CEFTA sporazuma definira da bilo koji član CEFTA-e može uvesti zaštitne mjere u slučaju da država može dokazati prekomjerni uvoz koji nanosi ozbiljnu štetu domaćoj industriji. Odbor pivarske industrije osigurao je sve potrebne zvanične podatke s ciljem dokazivanja prekomjernog uvoza i dokazao je da postoji slučaj za uvođenje unilateralnih mjera od strane Bosne i Hercegovine.

Pitanje glasi : kada će Ministarstvo vanjske trgovine i ekonomskih odnosa BiH ili postupiti po zahtjevu Odbora pivarske industrije BiH ili ga odbiti?“

Delegat Hilmo Neimarlija postavio je i sljedeće pitanje premijeru Republike Srpske, ministru pravde RS-a, ministru za izbjeglice RS-a, Visokom sudskom i tužilačkom vijeću BiH, visokom predstavniku u BiH i Misiji OSCE-a u BiH:

„Nosioći najodgovornijih dužnosti u Republici Srpskoj već godinama u različitim prilikama ističu provođenje imovinskih zakona i ostvarenje povrata imovine kao jedan od uspjeha vlasti Republike Srpske. Nakon predbajramskog paljenja džamije u Kuli Fazlagića ti su se zvaničnici oglasili izjavama o ravnopravnosti pripadnika različitih vjerskih i etničkih zajednica u RS-u i o čvrstoj opredjeljenosti vlasti RS-a na očuvanju te ravnopravnosti. Međutim, ima li uopće smisla govoriti da smo ušli u četrnaestu godinu od potpisivanja Dejtonskog sporazuma i da Fati Orlović još nije vraćena imovina, da se ni nakon 13 godina i dva mjeseca dejtonskog mira i zakona povratnici u Konjević Polje ne dopušta korištenje vlastite okućnice.

Fati Orlović uskraćuje se pravo na vlastitu imovinu, na vlastitu okućnicu. Staricu iz Konjević Polja se maltretira, muči i terorizira zato što traži svoje pravo koje joj pripada po Ustavu Republike Srpske, po Dejtonskom mirovnom sporazumu i njegovim aneksima 4. 6. i 7., po Evropskoj konvenciji za zaštitu ljudskih prava i osnovnih sloboda, po Univerzalnoj deklaraciji o ljudskim pravima. Sudski i drugi organi Republike Srpske izruguju se tim najvišim zakonskim aktima BiH i današnjeg svijeta i zloupotrebljavajući niže zakonske akte kažnjavaju Fatu Orlović. Kažnjavajući Fatu Orlović, oni povratnicima u Republiku Srpsku upućuju poruku koja je neuporedivo konkretnija i bitno drukčija od poruka koje prigodno upućuju visoki zvaničnici RS-a.

Prije nekoliko dana Okružni sud u Bjeljini osudio je na mjesec dana zatvora uslovno Fatu Orlović. Presuda je donesena a da osuđenu Sud nije nijednom pozvao. Može li se taj akt primiti drugačije nego kao užasavajući slučaj izrugivanja s pravdom kao civilizacijska sramota!

Premijeru Republike Srpske, ministru pravde RS-a, ministru za izbjeglice RS-a, Visokom sudskom i tužilačkom vijeću BiH, visokom predstavniku u BiH, Misiji OSCE-a u BiH upućujem sljedeće pitanje:

Kada će biti obustavljeno bezobzirno dvostruko nasilje nad Fatom Orlović i kada će povratnica iz Konjević Polja konačno moći da uživa elementarno ljudsko pravo vlasništva i osnovnu ljudsku slobodu nesmetanog kretanja u svojoj kući i svojoj okućnici?“

Delegat Dušanka Majkić postavila je i sljedeće pitanje Vijeću ministara BiH:

„Prijevoznici iz BiH su već godinama jedini u Evropi koji ne mogu imati oznaku TIR na kamionima, koja cijeloj Evropi omogućava lakši i jeftiniji prekogranični prijevoz.

Zbog sporog i neefikasnog rješavanja ovog problema u BiH, domaći prijevoznici ali i privreda ove zemlje trpe velike finansijske gubitke.

Bez TIR oznaka naši prijevoznici, umjesto da krstare evropskim putevima i donose toliko potreban novac za razvoj ove zemlje, oni svoje kamione drže parkirane i čekaju domaće političare da konačno nešto urade za njih. Ili, ako se pak odluče na prijevoz, oni plaćaju veće garancije za prelazak preko granice, moraju čekati u nepreglednim kolonama na granicama. I ne samo to. Da bi došli do pojedinih zemalja, vozači moraju nositi veliku količinu novca u kešu. Da imaju TIR oznaku, imali bi mnogo lakši i jednostavniji režim prelaska granica.

Molim Vijeće ministara da mi **hitno** odgovori na sljedeće pitanje:

S obzirom da je BiH jedina zemlja u Evropi koja nije članica sistema TIR, molim odgovor na pitanje kada će biti uspostavljen SISTEM TIR u BiH“?

Delegat Sulejman Tihiić postavio je i sljedeće pitanje Vijeću ministara BiH:

„Zašto Vijeće ministara BiH (Ministarstvo vanjske trgovine i ekonomskih odnosa BiH, Ministarstvo finansija i trezora BiH, Uprava za indirektno oporezivanje BiH) ne predloži izmjene Zakona o akcizama i drugih propisa, kojima bi bio uveden reciprocitet za sve proizvode, posebno duhanske, svim državama, naročito susjednim (Republika Hrvatska i Srbija) i tako osigurani jednaki uslovi proizvođačima iz BiH na drugim tržištima.

Na ovaj način zaštitila bi se domaća proizvodnja, povećali javni prihodi, te smanjio vanjskotrgovinski deficit.

Na diskriminaciju domaćih proizvođača i pogodovanje proizvođačima susjednih zemalja ukazuje se u posljednjih nekoliko godina.

Hoće li neko zbog toga odgovarati?“

Ad. 2. Usvajanje Zapisnika 23. sjednice Doma naroda

Prvi zamjenik predsjedavajućeg Doma naroda, otvorio je raspravu povodom navedene tačke dnevnog reda. Za raspravu o ovoj tački nije bilo prijavljenih delegata.

Dom naroda jednoglasno je usvojio Zapisnik 23. sjednice Doma naroda.

Ad. 3. Zahtjev Kolegija Doma naroda za razmatranje Prijedloga zakona o Budžetu institucija BiH i međunarodnih obaveza BiH za 2009. godinu, dostavljenog od Predstavničkog doma, po hitnom postupku

Prvi zamjenik predsjedavajućeg Doma naroda, otvorio je raspravu povodom navedene tačke dnevnog reda. U raspravi o ovoj tački učestvovali su: Dušanka Majkić, Božo Rajić, Hazim Rančić, Zoran Koprivica, Branko Zrno i Alma Čolo.

Dom naroda je, sa 12 glasova „za“ i jednim „suzdržanim“ glasom, usvojio da se Prijedlog zakona o Budžetu institucija BiH i međunarodnih obaveza BiH za 2009. godinu razmatra po hitnom postupku, nakon čega je, sa 12 glasova „za“, jednim glasom „protiv“ i dva „suzdržana“ glasa, Zakon o Budžetu institucija BiH i međunarodnih obaveza BiH za 2009. godinu usvojen.

Ad.4. Zahtjev Predstavničkog doma za razmatranje Prijedloga zakona o izmjenama Zakona o javnim nabavkama BiH po hitnom postupku

Prvi zamjenik predsjedavajućeg Doma naroda, otvorio je raspravu povodom navedene tačke dnevnog reda. U raspravi o ovoj tački učestvovali su Slobodan Šaraba i Dušanka Majkić.

Dom naroda je, sa 13 glasova „za“ i jednim glasom „protiv“, usvojio da se Prijedlog zakona o izmjenama Zakona o javnim nabavkama BiH razmatra po hitnom postupku, nakon čega je, sa 13 glasova „za“ i jednim glasom „protiv“, Zakon o izmjenama Zakona o javnim nabavkama BiH usvojen.

Ad. 5. Zahtjev Vijeća ministara BiH za razmatranje Prijedloga zakona o dopuni Zakona o carinskoj tarifi BiH po hitnom postupku

Prvi zamjenik predsjedavajućeg Doma naroda, otvorio je raspravu povodom navedene tačke dnevnog reda. U raspravi o ovoj tački učestvovali su: Dušanka Majkić, Sulejman Tihić, Hazim Rančić, Adem Ibrahimpašić i Božo Rajić.

Dom Baroda, sa devet glasova „protiv“ i tri „suzdržana“ glasa, nije usvojio zahtjev za razmatranje Prijedloga zakona o dopuni Zakona o carinskoj tarifi BiH po hitnom postupku. Prijedlog zakona bit će razmatran po skraćenom postupku.

Ad.6. Izvještaj komisije Kolegija o nastojanju za postizanje saglasnosti o Prijedlogu zakona o izmjenama i dopunama Zakona o sportu u BiH (drugo čitanje), predlažać: Ustavnopravna komisija

Prvi zamjenik predsjedavajućeg Doma naroda, otvorio je raspravu povodom navedene tačke dnevnog reda. U raspravi o ovoj tački učestvovali su: Dušanka Majkić, Božo Rajić, Hilmo Neimarlija i Ivo Miro Jović.

Nakon što u Kolegiju Doma naroda nije postignuta saglasnost, izvršen je drugi krug glasanja. U drugom krugu glasanja "suzdržana" su bila dva delegata, jedan iz Federacije BiH, jedan iz Republike Srpske, dok su „protiv“ Prijedloga zakona glasala tri delagata iz Republike Srpske, a „za“ Prijedlog zakona osam delegata iz Federacije BiH.

Zbog nepostojanja saglasnosti da li 2/3 delegata iz jednog entiteta čine tri ili četiri delegata iz Republike Srpske, Dom naroda odlučio je da po povratku sa službenog puta predsjedavajućeg

Doma naroda dr. Mladena Ivanića, zatraži tumačenje Kolegija o rezultatu glasanja o Prijedlogu zakona o izmjenama i dopunama Zakona o sportu u BiH.

Ad.7. Prijedlog zakona o zaštiti i dobrobiti životinja (drugo čitanje), predlagač: Vijeće ministara BiH

Dom naroda odgodio je raspravu o Prijedlogu zakona o zaštiti i dobrobiti životinja za narednu sjednicu.

Ad. 8. Prijedlog zakona o izmjenama i dopunama Zakona o zaštiti tajnih podataka (drugo čitanje), predlagač: Zajednička sigurnosno-obavještajna komisija za nadzor nad radom Obavještajno-sigurnosne agencije BiH

Prvi zamjenik predsjedavajućeg Doma naroda, otvorio je raspravu povodom navedene tačke dnevnog reda. Za raspravu o ovoj tački nije bilo prijavljenih delegata.

Dom naroda jednoglasno je usvojio u drugom čitanju Zakon o izmjenama i dopunama Zakona o zaštiti tajnih podataka.

Ad. 9. Prijedlog zakona o izmjenama i dopunama Zakona o Obavještajno-sigurnosnoj agenciji BiH (drugo čitanje), predlagač: Zajednička sigurnosno-obavještajna komisija za nadzor nad radom Obavještajno- sigurnosne agencije BiH

Prvi zamjenik predsjedavajućeg Doma naroda, otvorio je raspravu povodom navedene tačke dnevnog reda. Za raspravu o ovoj tački nije bilo prijavljenih delegata.

Dom naroda jednoglasno je usvojio u drugom čitanju Zakon o izmjenama i dopunama Zakona o Obavještajno-sigurnosnoj agenciji BiH.

Ad.10. Prijedlog zakona o zrakoplovstvu BiH (prvo čitanje), predlagač: Vijeće ministara BiH

Dom naroda odgodio je raspravu o Prijedlogu zakona o zrakoplovstvu BiH za narednu sjednicu.

Ad.11. Prijedlog zakona o Agenciji za pružanje usluga u zračnoj plovidbi (prvo čitanje), predlagač: Vijeće ministara BiH

Dom naroda odgodio je raspravu o Prijedlogu zakona o Agenciji za pružanje usluga u zračnoj plovidbi za narednu sjednicu.

Ad.12. Prijedlog zakona o izmjenama Zakona o krivičnom postupku (prvo čitanje), predlagač: Predstavnički dom

Prvi zamjenik predsjedavajućeg Doma naroda, otvorio je raspravu povodom navedene tačke dnevnog reda. Za raspravu o ovoj tački nije bilo prijavljenih delegata.

Dom naroda jednoglasno je usvojio po hitnom postupku Zakon o izmjenama Zakona o krivičnom postupku.

Ad.13. Izjašnjavanje o Prijedlogu zakona o maloljetnim počiniocima krivičnih djela i krivičnopravnoj zaštiti djece i maloljetnika (prvo čitanje), predlagač: Vijeće ministara BiH

Dom naroda odgodio je izjašnjavanje o Prijedlogu zakona o maloljetnim počiniocima krivičnih djela i krivičnopravnoj zaštiti djece i maloljetnika za narednu sjednicu.

Ad.14. Prijedlog zakona o dopuni Zakona o Javnom RTV sistemu BiH (prvo čitanje), predlagač: Vijeće ministara BiH

Prvi zamjenik predsjedavajućeg Doma naroda, otvorio je raspravu povodom navedene tačke dnevnog reda. U raspravi o ovoj tački dnevnog reda učestvovali su: Slobodan Šaraba, Dušanka Majkić, Rudo Vidović, Hazim Rančić, Branko Zrno, Drago Ljubičić, Hilmo Neimarlija, Sulejman Tihić i Božo Rajić.

Dom naroda je, sa 11 glasova “za”, jednim glasom “protiv” i jednim “suzdržanim” glasom, usvojio u prvom čitanju Prijedlog zakona o dopuni Zakona o Javnom RTV sistemu BiH

Ad. 15. Prijedlog zakona o Agenciji za razvoj informacionog društva BiH (prvo čitanje), predlagač: Vijeće ministara BiH

Dom naroda odgodio je raspravu o Prijedlogu zakona o Agenciji za razvoj informacionog društva BiH za narednu sjednicu.

Ad.16. Izvještaj o reviziji Izvještaja o izvršenju Budžeta institucija BiH za 2007. godinu.

Prvi zamjenik predsjedavajućeg Doma naroda, otvorio je raspravu povodom navedene tačke dnevnog reda. U raspravi o ovoj tački dnevnog reda učestvovala je Dušanka Majkić.

Dom naroda jednoglasno je usvojio Izvještaj o reviziji Izvještaja o izvršenju Budžeta institucija BiH i međunarodnih obaveza BiH za 2007. godinu sa sljedećim zaključcima:

1. Nalaže se Ministarstvu finansija i trezora BiH da, u roku od 60 dana od dana prijema ovog zaključka, dostavi Komisiji za finansije i budžet Doma naroda Program za otklanjanje nepravilnosti u poslovanju, utvrđenih revizorskim izvještajima iz ranijih godina, kao i preporuka iz Izvještaja o reviziji Izvještaja o izvršenju Budžeta institucija BiH za 2007.godinu, s imenovanim nosiocima aktivnosti, i to:

- Ranije preporuke na osnovu izvršene revizije Izvještaja o Budžetu za 2006. godinu nisu bile u potpunosti realizirane tokom 2007. godine (tačka 2. Izvještaja);
- Sistem planiranja budžeta na nivou institucija Bosne i Hercegovine nije bio značajnije unaprijeđen (tačka 3.1. Izvještaja);
- Realizacija budžeta nije sistemski uređena donošenjem jedinstvenih pravila i standarda potrošnje (tačka 3.2. Izvještaja);
- Funkcija odgovarajućih analiza i nadzora nad izvršenjem budžeta i dalje nedostaje u Ministarstvu (tačka 3.3. Izvještaja);
- Ministarstvo nije putem javne konkurencije izvršilo izbor komercijalnih banaka za obavljanje poslova platnog prometa saglasno Zakonu o javnim nabavkama BiH i Zakonu o finansiranju institucija BiH (tačka 3.4. Izvještaja);
- Unos obaveza u Glavnu knjigu trezora vršen je i nakon propisanog krajnjeg roka za unos podataka, što je imalo za posljedicu kasnije zatvaranje Glavne knjige trezora,

kašnjenje u predaji finansijskih izvještaja i nepotpune finansijske izvještaje budžetskih korisnika (tačka 3.5. Izvještaja);

- Informacioni sistem Ministarstva nije unaprijeđen u odnosu na prethodnu godinu, a usluge implementacije i održavanja softvera nisu obnovljene u skladu s pravilima javnih nabavki (tačka 3.6. i 3.6.1. Izvještaja);
- Pojedinačne bilansne pozicije u Zbirnom bilansu stanja nisu obrazložene u tekstualnom dijelu Izvještaja o budžetu (tačka 4.1. Izvještaja);
- Ukupni prihodi budžeta po Izvještaju o budžetu nisu usaglašeni s prihodima iskazanim u Glavnoj knjizi trezora s 31.12.2007. (tačka 4.2. Izvještaja);
- Namjenski prihodi od donacija nisu pod potpunom kontrolom Ministarstva (tačka 4.2.1. Izvještaja);
- Ukupni rashodi budžeta po Izvještaju o budžetu nisu usaglašeni s rashodima iskazanim u Glavnoj knjizi trezora s 31.12.2007. (tačka 4.3. Izvještaja);
- Transferi za projektnu dokumentaciju za Koridor Vc u iznosu od 3.447.554 KM nisu iskazani u Glavnoj knjizi i Izvještaju o budžetu na kapitalnim izdacima i izvorima sredstava (tačka 4.3.1. Izvještaja), a kao posljedica toga iskazana je veća razlika prihoda nad rashodima za isti iznos (tačka 4.4. Izvještaja).

- 2. Obavezuje se Ministarstvo finansija i trezora BiH da, u roku od 30 dana od dana prijema ovog zaključka, izradi Plan popunjavanje upražnjenih radnih mjesta i dostavi ga Agenciji za državnu službu BiH i Komisiji za finansije i budžet Doma naroda.**
- 3. Nalaže se odgovornim licima u Ministarstvu finansija i trezora BiH da odmah nakon prijema ovog zaključka pristupe utvrđivanju preventivnih mjera za otklanjanje utvrđenih nepravilnosti i pokrenu postupak za utvrđivanje odgovornosti zaposlenih za propuste navedene u revizorskom izvještaju, te da o preduzetim preventivnim mjerama i preduzetim internim mjerama protiv pojedinaca izvijeste Komisiju za finansije i budžet Doma naroda najkasnije do 31.3.2009.**
- 4. Obavezuje se Vijeće ministara BiH da, na jednoj od narednih sjednica, razmotri Izvještaj o reviziji Izvještaja o izvršenju Budžeta institucija BiH za 2007. godinu i o zauzetim stavovima obavijesti Parlamentarnu skupštinu BiH.**
- 5. Izvještaj o reviziji Izvještaja o izvršenju Budžeta institucija BiH za 2007. godine bit će dostavljen Tužilaštvu BiH.**

Ad. 17. Izvještaj o učešću pripadnika Oružanih snaga, policijskih i državnih službenika Bosne i Hercegovine u operacijama podrške miru u inozemstvu za period od 1.3.2008 do 30.6.2008.

Prvi zamjenik predsjedavajućeg Doma naroda, otvorio je raspravu povodom navedene tačke dnevnoga reda. U raspravi o ovoj tački učestvovali su Slobodan Šaraba i Branko Zrno.

Dom naroda jednoglasno je usvojio Izvještaj o učešću pripadnika Oružanih snaga, policijskih i državnih službenika Bosne i Hercegovine u operacijama podrške miru u inostranstvu za period od 1.3.2008. do 30.6.2008.

Ad.18. Prijedlog odluke o dopuni Odluke o imenovanju članova Vijeća nacionalnih manjina BiH, predlažać: Zajednička komisija za ljudska prava, prava djeteta, mlade, imigracije, izbjeglice, azil i etiku

Prvi zamjenik predsjedavajućeg Doma naroda, otvorio je raspravu povodom navedene tačke dnevnoga reda. U raspravi o ovoj tački učestvovali su: Slobodan Šaraba, Zoran Koprivica, Ivo Miro Jović, Božo Rajić, Alma Čolo, Ilija Filipović i Hazim Rančić.

Dom naroda je, sa 12 glasova „za“ i jednim „suzdržanim“ glasom, vratio Prijedlog odluke o dopuni Odluke o imenovanju članova Vijeća nacionalnih manjina BiH Zajedničkoj komisiji za ljudska prava, prava djeteta, mlade, imigraciju, izbjeglice, azil i etiku uz usvojeni zaključak:

“Zadužuje se Zajednička komisija za ljudska prava, prava djeteta, mlade, imigraciju, izbjeglice, azil i etiku Parlamentarne skupštine BiH da, u skladu s članom 3. Odluke o osnivanju Vijeća nacionalnih manjina BiH ("Službeni glasnik BiH", br. 38/06 i 93/08), obavi dodatne konsultacije, odnosno savjetuje se sa svim registriranim udruženjima Crnogoraca u Bosni i Hercegovini iz oba entiteta, iz svih kantona i iz Brčko Distrikta BiH, te Parlamentarnoj skupštini BiH dostavi novi prijedlog odluke o dopuni Odluke o imenovanju članova Vijeća nacionalnih manjina BiH iz crnogorske nacionalne manjine.”

Ad. 19. Imenovanje člana Upravnog odbora Javnog RTV servisa BiH iz reda ostalih (Rang-lista Regulatorne agencije za komunikacije BiH)

Prvi zamjenik predsjedavajućeg Doma naroda, otvorio je raspravu povodom navedene tačke dnevnoga reda. U raspravi o ovoj tački učestvovali su: Hilmo Neimarlija, Alma Čolo, Božo Rajić, Ivo Miro Jović i Dušanka Majkić.

Dom naroda je, sa 11 glasova „za“ i dva „suzdržana“ glasa, imenovao Mirka Vukovića za člana Upravnog odbora Javnog radiotelevizijskog servisa BiH iz reda ostalih.

Ad.20. Davanje saglasnosti za ratifikaciju Sporazuma o zračnom saobraćaju između Vijeća ministara BiH i Vijeća ministara Ukrajine

Prvi zamjenik predsjedavajućeg Doma naroda, otvorio je raspravu povodom navedene tačke dnevnog reda. Za raspravu o ovoj tački nije bilo prijavljenih delegata.

Dom naroda jednoglasno je dao saglasnost za ratifikaciju Sporazuma o zračnom saobraćaju između Vijeća ministara BiH i Vijeća ministara Ukrajine.

Ad. 21. Davanje saglasnosti za ratifikaciju Sporazuma o saradnji u oblasti kulture između Vijeća ministara BiH i Vlade Narodne Republike Kine

Prvi zamjenik predsjedavajućeg Doma naroda, otvorio je raspravu povodom navedene tačke dnevnog reda. Za raspravu o ovoj tački nije bilo prijavljenih delegata.

Dom naroda jednoglasno je dao saglasnost za ratifikaciju Sporazuma o saradnji u oblasti kulture između Vijeća ministara BiH i Vlade Narodne Republike Kine.

Ad. 22. Davanje saglasnosti za ratifikaciju Evropskog ugovora o glavnim unutrašnjim plovnim putevima od međunarodnog značaja (AGN)

Prvi zamjenik predsjedavajućeg Doma naroda, otvorio je raspravu povodom navedene tačke dnevnog reda. Za raspravu o ovoj tački nije bilo prijavljenih delegata.

Dom naroda jednoglasno je dao saglasnost za ratifikaciju Evropskog ugovora o glavnim unutrašnjim plovnim putevima od međunarodnog značaja (AGN).

Ad. 23. Davanje saglasnosti za ratifikaciju Protokola između Vijeća ministara BiH i Vlade Republike Mađarske u vezi sa sukcesijom bilateralnih međunarodnih ugovora zaključenih između Federativne Narodne Republike Jugoslavije/Socijalističke Federativne Republike Jugoslavije i Narodne Republike Mađarske

Prvi zamjenik predsjedavajućeg Doma naroda, otvorio je raspravu povodom navedene tačke dnevnog reda. Za raspravu o ovoj tački nije bilo prijavljenih delegata.

Dom naroda jednoglasno je dao saglasnost za ratifikaciju Protokola između Vijeća ministara BiH i Vlade Republike Mađarske u vezi sa sukcesijom bilateralnih međunarodnih ugovora zaključenih između Federativne Narodne Republike Jugoslavije/Socijalističke Federativne Republike Jugoslavije i Narodne Republike Mađarske.

Ad. 24. Davanje saglasnosti za ratifikaciju Nota Sporazuma između Bosne i Hercegovine i Kraljevine Norveške o reviziji sukcesije bilateralnih sporazuma zaključenih između bivše SFRJ i Kraljevine Norveške

Prvi zamjenik predsjedavajućeg Doma naroda, otvorio je raspravu povodom navedene tačke dnevnog reda. Za raspravu o ovoj tački nije bilo prijavljenih delegata.

Dom naroda jednoglasno je dao saglasnost za ratifikaciju Nota Sporazuma između Bosne i Hercegovine i Kraljevine Norveške o reviziji sukcesije bilateralnih sporazuma zaključenih između bivše SFRJ i Kraljevine Norveške.

Ad. 25. Davanje saglasnosti za ratifikaciju Akata XXIII. kongresa Svjetskog poštanskog saveza – Bukurešt 2004.godine

Prvi zamjenik predsjedavajućeg Doma naroda, otvorio je raspravu povodom navedene tačke dnevnog reda. Za raspravu o ovoj tački nije bilo prijavljenih delegata.

Dom naroda jednoglasno je dao saglasnost za ratifikaciju Akata XXIII. kongresa Svjetskog poštanskog saveza – Bukurešt 2004.godine.

Ad. 26. Davanje saglasnosti za ratifikaciju Sporazuma o saradnji u oblasti turizma između Vijeća ministara BiH i Hašemitske Kraljevine Jordan

Prvi zamjenik predsjedavajućeg Doma naroda, otvorio je raspravu povodom navedene tačke dnevnog reda. Za raspravu o ovoj tački nije bilo prijavljenih delegata.

Dom naroda jednoglasno je dao saglasnost za ratifikaciju Sporazuma o saradnji u oblasti turizma između Vijeća ministara BiH i Hašemitske Kraljevine Jordan.

Ad. 27. Davanje saglasnosti za ratifikaciju Sporazuma o grantu Globalnog fonda za okoliš između Bosne i Hercegovine i Međunarodne banke za obnovu i razvoj, kao Agencije za primjenu sredstava Globalnog fonda za okoliš – Projekat upravljanja Neretvom i Trebišnjicom

Prvi zamjenik predsjedavajućeg Doma naroda, otvorio je raspravu povodom navedene tačke dnevnog reda. U raspravi o ovoj tački učestvovali su: Alma Čolo, Slobodan Šaraba, Ivo Miro Jović i Dušanka Majkić.

Dom naroda je, sa 11 glasova „za“ i dva glasa „protiv“, dao saglasnost za ratifikaciju Sporazuma o grantu Globalnog fonda za okoliš između Bosne i Hercegovine i Međunarodne banke za obnovu i razvoj, kao Agencije za primjenu sredstava Globalnog fonda za okoliš – Projekat upravljanja Neretvom i Trebišnjicom.

Ad. 28. Davanje saglasnosti za ratifikaciju Evropske konvencije o zaštiti arheološke baštine (revidirana) iz 1992. godine

Prvi zamjenik predsjedavajućeg Doma naroda, otvorio je raspravu povodom navedene tačke dnevnog reda. Za raspravu o ovoj tački nije bilo prijavljenih delegata.

Dom naroda jednoglasno je dao saglasnost za ratifikaciju Evropske konvencije o zaštiti arheološke baštine (revidirana) iz 1992. godine.

Ad. 29. Davanje saglasnosti za ratifikaciju Konvencije o zaštiti podvodne kulturne baštine, Pariz 2. novembra 2001.godine

Prvi zamjenik predsjedavajućeg Doma naroda, otvorio je raspravu povodom navedene tačke dnevnog reda. Za raspravu o ovoj tački nije bilo prijavljenih delegata.

Dom naroda jednoglasno je dao saglasnost za ratifikaciju Konvencije o zaštiti podvodne kulturne baštine, Pariz 2. novembra 2001.godine.

Ad. 30. Davanje saglasnosti za ratifikaciju Međunarodne konvencije protiv dopinga u sportu, Pariz 19. oktobra 2005.godine.

Prvi zamjenik predsjedavajućeg Doma naroda, otvorio je raspravu povodom navedene tačke dnevnog reda. Za raspravu o ovoj tački nije bilo prijavljenih delegata.

Dom naroda jednoglasno je dao saglasnost za ratifikaciju Međunarodne konvencije protiv dopinga u sportu, Pariz 19. oktobra 2005.godine.

Ad. 31. Davanje saglasnosti za ratifikaciju Okvirne konvencije Vijeća Evrope o vrijednosti kulturne baštine za društvo, Pariz 27. oktobra 2005. godine

Prvi zamjenik predsjedavajućeg Doma naroda, otvorio je raspravu povodom navedene tačke dnevnog reda. Za raspravu o ovoj tački nije bilo prijavljenih delegata.

Dom naroda jednoglasno je dao saglasnost za ratifikaciju Okvirne konvencije Vijeća Evrope o vrijednosti kulturne baštine za društvo, Pariz 27. oktobra 2005. godine.

Ad. 32. Zaključak povodom dostavljanja informacije o kriterijima, postupcima i načinu raspodjele CEMT dozvola za 2009. godinu, predlagatelj: delegat Dušanka Majkić

Na prijedlog delegata Dušanke Majkić, Dom naroda jednoglasno je usvojio sljedeći zaključak:

„Dom naroda traži od Ministarstva komunikacija i prometa BiH da u roku od 15 dana dostavi Domu naroda punu informaciju o kriterijima, postupcima i načinu raspodjele CEMT dozvola za 2009. godinu domaćim prijevoznicima.

U informaciji treba da budu navedeni i broj i razlog prigovora prijevoznika, kao i žalbene postupke koji su u toku.“

Sjednica je završena u 17,50 sati.

Sastavni dio ovog zapisnika je neautorizirani transkript 24. sjednice Doma naroda.

**SEKRETAR
DOMA NARODA**
Marin Vukoja, s.r.

**PRVI ZAMJENIK
PREDSJEDAVAJUĆEG
DOMA NARODA**
Ilija Filipović, dipl. iur., s.r.